



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Idea Boni Et Perfecti Regiminis**

**Binet, Étienne**

**Mainz, 1675**

Cap. VI. An Prælatus possit satisfacere omnibus, & id debeat desiderare

[urn:nbn:de:hbz:466:1-50077](#)

## CAPUT SEXTUM.

*An Prælatus possit satisfacere omnibus, & id debeat desiderare?*

**P**rofectò magna impotentia, & temeritas nimis grandis est, quod aliquis sibi imaginetur, se id posse facere, quod nemo ne quidem ipsem Christus unquam fecit. Possimus quidem optare sinceram intentionem hoc faciendi, & laborare, ne aliquem contristemus; possimus quidem ex sensu omnium sapientum facere, quod debemus; possimus quidem gratificari omnibus bonis, & probis; sed cum juxta sapientem numerus stultorum sit infinitus; quomodo aliquis omnibus his capitibus satisfaciet? Quod si tua bene facias, stulti te perstringent. Si tua male facias, sapientes te condemnabunt. Si nec bene, nec male tuum officium exequaris, utrique te irridebunt. Ego claram tibi volo ostendere, hanc rem non posse fieri sine miraculo, & esse quasi impossibilem, aut si sit possibilis, nescio an ad

E 4 majus

majus nostrum commodum in hoc mundo debeat desiderari.

I. Et quidem primò dantur aliqua capita, quæ sunt propriè Antipodes, quæ habent spiritum contradictionis, & naturaliter se omnibus opponunt. Facias quidquid velis, semper habent aliquid, quod reponant. Quamvis faceres miracula, illa traducent, velut incantationes, aut illusores, & dicent, hæc non esse aliud quam hypocrisin, ut quis suo intento fruatur. Et edic quæso, quomodo pacabis hos spiritus adeo malignos, qui sibi ipfis satisface-renequeunt, & majori parte temporis nesciunt, quid velint?

II. Quamvis sis valde prudens, & in tuis actionibus circumspectus: quamvis tua verba examines ad lancem sapientia; quomodo contentabis tot inquieta cerebra, tot leves, & indiscretos spiritus, tot capita, quæ effutiunt, quidquid venit in buccam, quæque totum condemnant, quod non intelligunt? Jam centies te damnarunt, priusquam medium inveneris, vel semel iis ostendendi, & proponendi tuum rectum modum agendi. Hoc est

mar-

martyrium sapientum, quod nempe judicari debeant nescio à quibus bardis, & animis vilibus, qui omnia carpunt, quæ statim non intelligunt.

III. Mundus refertus est indiscretis, vel invidis, adeo ut quamvis omnibus exactè coneris satisfacere, omnia æqualiter dividere; attamen nunquam contentabis eum, cui sua invidia est zelus, sua passio ratio. Quò melius tua facis, eò acrius te laceſſent invidi, & dicent tuam sapientiam nil aliud esse, quam dolum, tuam circumſpectiōnem traducent, ut nimiam conniventiam, tuum candorem velut minimam simplicitatem, tuam devotionem velut simulationem; tuam amicitiam tanquam adulatiōnem & palpuim; tuam ſcientiam velut ignorantiam; tuam eloquentiam velut garrulitatem, & blaterationem. Quomodo ergo pacabis hanc Sirenem, hanc Tigrem invidiæ, quæ omnia convertit invenenum, & ſolis calumniis, & criminatiōnibus viicitat? S. Paulus, nunquam potuit effugere tyranidem hujus invidiæ, & invidi eum ſemper infectati ſunt, cumque perdere ſtuduerunt.

CHRISTUS  
E § JESUS

JESUS amisit vitam, eò quod invidia Synagogæ splendorem virtutum ejus sufferre non potuit: *Quid facimus, quia hic homo multa signa facit? &c.*

IV. Quomodo speres te unquam contentaturum quædam capita phantastica, quibus non poteris satisfacere, nisi omnes probos offendas, & reliquos omnes contristes? Quid quæso facies? Si bene tua facies, sapientes te suspiciunt; sed ille fungus, ille stupidus, ille hypocondriacus dentibus te proscindet, & solus plura contra te effutiet, quam omnes sapientes & prudentes in tui adferent defensionem. Verum quidem est, quod ab eo stet injustitia, sed interim tuum fatum mille criminacionibus infestabit, & fatuus capacior est ad incendendam domum, quam sint centum sapientes ad flamas extinguendas. Globus explosus à stulto non minus occidit, quam globus explosus à sensato.

V. Dum aliquis incidit in homines, qui nullum alium sequuntur, quam suas passiones, qui nil aliud consulunt, quam

quàm suum pervicax, & nasutum cerebrum, qui omnia quæ per phantasiam eorum transeunt, suspiciunt velut oracula, qui passionem venerantur velut rationem, stultam imaginationem æstimant zelum, qui adeo sunt dementati ab amore proprio, qui quidquid faciunt, existimant esse voluntatem præcisam Dei, qui se in omnibus putant quærere gloriam Dei, cum re ipsa decipientur, & illudantur: quomodo iis satisfacere poterit? Non est aliis modus, quàm ut quis in omnibus iis condescendat. Hoc autem nequit fieri absque læsione conscientiæ, offensione Dei, fomentatione illusionis hominis, qui actus, & excæcatus ab amore proprio vult, ut omnia fiant juxta propriam phantasiam. Quod si dicas eum decipi, confessim est in fermento, & bile inflammatur.

VI. Quod si duo à te petant candem rem, quam uni soli dare possis; quomodo utrique satisfacies? DEUS solus hoc facere potest, & nescio, an sine maximo miraculo. Quod si Deus velit concedere S. Joanni sedem à dextris Christi, & S.

E 6

Jaco-

Sy-  
fer-  
amo  
  
on-  
ca,  
nisi  
o-  
Si  
nt;  
on-  
lus  
nes  
de-  
od  
fa-  
it,  
am  
ces  
x-  
m  
  
s,  
-  
c,  
m

Jacobo sedem à sinistris, confessim reliqui  
Apostoli murmurant. Quod si illam ne-  
get, statim illi, eorumque mater reple-  
tur amaritudine, & summa mortifica-  
tione. Quid ergo facies, ut utrumque  
contentes? S. Petrus abit in hanc sen-  
tentiam, S. Paulus in contrariam, judi-  
catque S. Petrum reprehensione dignum.  
Descendat de coelo S. Michael Arch-  
angelus, & suum sensum aperiat, quia  
nunquam uni gratificabitur, quin alte-  
rum sit offensurus: nisi S. Petrus ex hu-  
militate suam opinionem deponat, & al-  
teri cedat. Ast enim hoc supposito,  
quid S. Petrus sequens suum judici-  
um, & lumen naturale sui intellectus non  
dixisset?

VII. Homines sunt adeo cerebrosi,  
ut ipsum sèpe nesciant, quid velint.  
Audiamus ipsum Christum. Venit  
Joannes, neque edens, neque bibens,  
& eum criminantur esse veneficum. Fi-  
lius hominis velut alii bibit, & come-  
dit, & eum cavillantur esse potato-  
rem. Quid ergo factu opus, ut ca-  
pitibus tam pervicacibus satisfiat? Re-  
vera

vera maximo mœrore afficerentur , si aliquis conaretur iis satisfacere ; nam meliori & potiori parte totius vitæ sunt desolatia, male contenta , & omnia carpunt, ac fugillant. Duo præclarissimi viri totius mundi Jesus Christus, & S. Joannes hoc non potuerunt facere , adeoque tu temerarius sis , si speres te hoc facere posse, omnibusque absque eo , quod transfilias terminos æqui, ac honesti, gratificari.

VIII. Prædicat Christus, & nonnulli inquietunt, nullum unquam auditum, qui tam divinè loqueretur, alii mussitant, & tacitè queruntur dicendo, illum suis prædicacionibus suscitare gentes, nullu inque meliori modo aperuisse viam, qua populus rebellaret , & in periculosisssimam seditionem excitaretur. O Deus ! Et quid factu opus, ut spiritus adeo oppositi, & omnino contrarii quietentur ? Idem Christus centena & millena patrat miracula. Aliqui rapiuntur ab ejus vultu, eumque adorant, aliqui proclamat eum Dæmoniacum, atheum, qui nulli nec Moysi , nec Deo credit. Quod si ergo patret miracula, vocabitur Magus, veneficus. Quod si ea non patret,

E 7      voca-

vocabitur filius fabri, homo vilissimus. Eheu! Et quid unquam fieri possit, ut omnibus satisfiat? Quod si sapientia increata, & incarnata omnibus gratificari non potuit: quomodo ille vesanus sibi imaginetur se hoc facere posse, aut quomodo dicet, sibi magnam fieri injuriam, si totus mundus clamet sibi ab eo non plenè satisfactum? O vanitatem vesanam, & dementem præsumptionem?

IX. Sæpe evenit, unum ab altero non intelligi, & exinde quandoque opiniones irreconciliabiles oriuntur. Quilibet profane habet rationem; nulli tamen favet justitia. Non tibi arroga gloriani, vel ut melius dicam, vanitatem, quod possis reperire modum toti mundo satisfaciendi. S. Epiphanius dicit se nunquam potuisse supportare Origenistas. S. Chrysostomus repunit, ab eo semper condemnandos innocentes cum peccatoribus. S. Epiphanius addit, quod nomen peccatoris adeo sit infame, & peccatum adeo sit fœdum, ut absque mora hæc vipera Ecclesiæ opprimi, & extingui debeat. S. Chrysostomus replicat bonum Judicem nullum condemnare re-

um,

um, nisi prius delictum proprio ore fateatur. S. Epiphanius insimulat S. Chrysostomum niiniæ moderationis; S. Chrysostomus è contra S. Epiphanium traducit nimis præcocem, ferventem, & qui non det locum veritati, nec habeat patientiam, ut illam audiat. Quid, inquit Epiphanius, patientia? Hæc re ipsa est indulgentia, & dissimulatio. Quid dissimulatio? replicat alter; ut dicam quod res est: hæc est præcipitantia. An ergo metuas, ne condemnes hæreticos, nec in minimo timeas, quod unum præ altero, innocentem pro reo condemnes? Video, te propendere in partes Origenis, & vereor, ne stes pro inimicis veritatis. Bene bene, inquietabat Epiphanius, ego abeo, & ex parte Dei tibi denuncio, te non moritum Constantinopoli, sed in mari, in exilio. Bene, respondebat Chrysostomus, ego ex parte ejusdem tibi prædico, te non per venturum ad tuam Diœcesin, & non minus moritum in mari, quam ego.

Ambo erant sancti, ambo prophetarunt, ambo habuerunt aliquam rationem, uterque videbatur aliqualiter errare,

ver-

verbo, omnia sic evenierunt, & uterque in mari periit. Nunc vade, & hoc concilia, dicasque quid velis, & vide, num utriusque satisfacias, & an non debeas candidè fateri, omnes quantumvis forent sancti, contentari non posse. Hoc est dispositio divinæ providentiaæ, hoc permittentis, ut Sancti sibi ipsis diffidant, se profunde humilient, agnoscant suam debilitatem, propriis opinionibus nimis pervicaciter non adhæreant, timentes ne decipientur, & se ipsos querant.

X. Cassianus inquit, Deum noluisse Angelos præficere hominibus, eò quod certissimum sit, illos beatos Spiritus non contentaturos suos subditos, & fortè minus quam eos contentent homines. Quod si enim voluissent adstringere, & duriuscule tractare homines, statim iis fuisset objecrum: Angeli bene hæc dicere possunt, cum enim sint incorporei; speculativè tantum quid sit debilitas corporis sciunt. Aliud est esse miserum hominem, aliud impassibilem, & gloriosum Spiritum. Angeli nesciunt, quid sit tentatio, necessitas, quid sit habere vicinum inimicum. Sunt impecabiles,

cabiles, & certi de sua salute. Unus Novitius spatio horæ plura dabit sana confilia, quam Generalis omnium religionum spatio centum annorum executioni mandare possit. Verbo ut finiam, experientia humanarum miseriarum modum regendi homines docere debet; cum & ipsum Verbum Incarnatum dicat, quod ex iis, quæ pertulit, obedientiam, & modum bene regendi homines didicerit. Quod si Seraphim non audeat sibi polliceri, quod cuivis sit satisfactus: quomodo id homo sua debili, & imperfecta scientia gubernandi sperare possit.

XI. Dum S. Bernardus miracula patrare inciperet, ejus patruelis Andreas, ejusque frater eum vehementer, & valde importunè infestabant. Alii Monachi instabant, hac occasione uteretur dono miraculorum tanta liberalitate à Deo sibi concessu; sed quid vir Dei faciat? An patret miracula? Patruelis, & frater pileum tam onerosum ei confident, tantam temeritatem capiti ejus impingent, ut lachrymas oculis ejus sint excussuri, cum pudore, & confusione sint suffusuri, & velut præsum-

ptuo-

ptuosum traducturi. Quod si miracula non patret, Monachi cavillabuntur, quod ex respectu humano Deo servire desinat, decorem sui ordinis negligat, & ut gratificetur duobus hominibus, omnes Angelos, & reliquos homines offendat. Quid ergo hic faciet Agnus, cum quocunque se vertat, aliquem offendere debeat? Vade nunc, & tibi persuade, te adeo sapientem, circumspectum esse, quod inventurus sis modum omnibus tuis subditis satissaciendi. Fateri debes, quod nimium de te sentias, dum tanta præsumis de tuo modo agendi. Experientia sat citò tuam simplicitatem detegit.

XII. Et qualiter regas, aut quâ manu duces capita suspicosa hypocondriaca, phantastica? Spiritus nigri, & fuliginosi, qui suum miserum cerebrum offuscant, proponunt chymeras, eosque aestimant Evangelia, quidquid facis sinistre interpretantur, & imponent, quæ nunquam somniasti. Candor sincerissimus tuarum intentionum iis videbitur niger, & plenus machinationibus, & molitionibus.

Quod

Quod si iis gratificeris , te vilipendunt.  
Si opinioni tuæ aliquantis per insistas, aver-  
sionem interiorem erga te concipient.  
Sive eos alloquaris, sive non, non nisi cum  
molestia eos devincies. Hi cardui non  
tanguntur absque eo quod pungant , &  
manum decorticent.

XIII. Verùm enim verò, hæc impossibi-  
litas adeo evidens est, ut qui eam in du-  
bium trahit , suspicionem ingerat , num  
habeat sensum communem, judicium soli-  
dum. Dic, sodes, an sit possibile , quod  
homo , qui regit multos , quorum aliqui  
sunt omnino ignei, alij plumbei, alij terrei;  
quorum aliqui moventur celeritate venti,  
aliqui pedem è terra non sublevabunt, esto  
omnes trochleas , quas artes Mechanicæ  
invenierunt, adhibeas. Quidquid faciat,  
omnibus satisfacere queat ? Unus dicet  
cum esse nimis præcocem, & præcipitem,  
qui omnia vult in momento , qui agenda  
non considerat : alij eum traducent velut  
lentum , qui in mille gyros distenditur,  
qui nullum opus quantumvis multum su-  
det, ad finem dederit. Quot subditos  
quis habet , tot sunt mundi , quorum  
quilibet ab alio differt. Et quis inveniat

mo-

modum sistendi fluxum, & refluxum maris, cursum ventorum, ardorem ignis, tremores terrae, & quod pejus omnibus est, morem gubernandi capita hominum, quae sunt Triton, bractea; seu Gallus campanilis.

XIV. Certus sis, illos, qui sunt magis spirituales, nisi oppidò sibi invigilent, esse magis refractarios, & difficilius aliis regi. Sunt pervicaces in suis conceptibus, obstinati in resolutionibus, pertinaces in suis luminibus, nec est modus coercendi hunc Chamæleuntem, & impediendi, ne in suis perpetuis inconstantiis constantissimus sit. Monasterium S. Abbatis Popponis in duas factiones distrahebatur; nonnulli eum criminabantur prodigum, utpote suis magnis profusionibus, largis eleemosynis sanctam paupertatem destruentem. Alii dicebant charitatem ejus fuisse felicitatem illius ædis, ita ut quo plura daret, eo plura à Deo reciperet. Sanctus ille vir valde perplexus hærebat, & nesciebat, quid ageret: si stipem erogaret, clamabant: si eam non daret, altius vociferabantur. Quid ergo faceret ille sanctus homo? Aileverabat, se non

non angendum, nec curaturum, dummodo Deus, prudentes, probi contenti essent, & magnum esse scelus sese omnibus velle attemperare, & quibusdam nasutulis gratificari. Verbo, ut alibi dixi, murimuratoribus dicebat : *Si debo damnari, propter nimiam charitatem damnari volo.* Cum dicatis me damnandum, non renuo, eò quod fecerim ea, quæ Deus mandat, & Sancti consulunt.

XV. Et quis omnibus majorem satisfactionem dare debuit, quam S. Franciscus, qui suam regulam à Christo acceperat, quique gubernabat juxta regulas Spiritus Sancti? Interim bonus Sanctus abdicare debuit Generalatum ob causam, quam ipse met allegavit, & ego justis ex causis reticeo. Interim hic Seraphim fatebatur, magno se affici cruciatu, quod sufferre deberet contradictiones fratris Eliæ, & non nullorum aliorum, qui suum genium illi sanctos simplicitati, ejusque magnæ austritati attemperare non poterant. Nunc vade, & præsume te facturum id, quod S. Franciscus corpore transforato à quinque gloriofissimis plagiis, ore illo referto Spíitu

ritu Sancto, corde toto inflammatu, velut  
melius dicam, amore divino transformato  
in cor, ejusque pectori inviscerato, in hoc  
mundo facere non potuit. Sicut Septentrio  
est pars mundi, quamvis valde aspera, &  
malefica; ita contradic̄tio est pars essentia-  
lis nostrae humanitatis, atque in sanctitate  
floreat, aquilo furiosae contradictionis ve-  
hementer furere debet.

XVI. Et quām non sint simplices illi, qui  
mirantur unum non posse omnes conten-  
tare, cum nec Seraphim hoc facere possit?  
An putetis, dum Angelus stitit solē, ut obe-  
diret Josue, omnibus placuisse? Josue quidē  
fuit optimē contentus, & totus ejus exer-  
citus corde lāto laudabat Deum. Verū  
hostes quos insectabatur, diris devovebāt  
solem, & Angelum, & forsā Deum abne-  
gabant. Ipsi met probi, dispersi per mundū  
querelis laceſſebant naturam, & eum qui  
tamdiu ſiſtebat Solem; nam valde moleſta-  
bat, & cruciabat illos, quorum caput recte  
impetebant, & quos radij tam prolixæ, &  
urentis meridiei urebant. Adeo verum eſt  
neminem posse placere multitudini, in qua  
personæ tam diversæ habēt coimoda, na-  
turæ tam contrarias, lumina cœleſtia tam  
disparia.

XVII. An

XVII. An unquam perpendisti Dominam Sanctissimam, quæ erat ipsa benignitas, & mater Divinæ Sapientiæ, nunquā potuisse omnibus satisfacere, etiam illi, cui debebat aliquam obedientiam, & à quo tenerè amabatur? Dum Angelo Gabriele nunciante didicit se futuram matrem Verbi æterni, & hic ei dixit ne vel verbo suo sancto Sponso Joseph mysterium insinuaret; Sanctus Vir videns sanctissimam Virginem esse gravidā, tam profundo mœrore confectus, tanto cruciatu animi anxiatus est, ut nesciit, quid facere deberet. An eam desereret? sed satius desereret Paradisum. An eam nō desereret? sed quid dicet mundus videns eam imprægnatam, nesciens à quo? An eam alloquatur? Sed quid dicet? An nullum verbū ei dicat? Cor sentiet crepari, bonusque vir nescit, ubi sit, & quid facere debeat.

Ex altera parte an nostra Domina eum nō alloquatur? si hoc faciat, violabit secretum, offendet Deum, qui volebat, ne vel verbo arcum proderet. An nihil dicat? Hoc est magnum martyrium, & valde cruciatitur, videns suum sponsum tot angustiis torqueri, è quibus verbo eum possit libe-

liberare; & tamen non audeat. Viden' ergo, qualiter ambo innocenter desolati sint. Nostra Domina judicabat illum Sanctum, qui erat testis irrefragabilis suæ vitæ aliud non potuisse judicare, quām quod illud opus esset effectus extraordinarius Dei. S. Josephus asserebat suam charam Spontem facillimè absque ullo dispendio dabo bus verbis illud Mysterium revelare posse. Et profectò nisi Angelus ex parte Dei S. Josephum informasset, nescio, quid non resolvisset, & quid non evenire potuisset. Non raro evenit, ut superior aliquid faciat, nec tamen causas & motiva manifestare possit, vel debeat; nam quandoque obstrictus erit sigillo inviolabilis secreti, adeoq; si aliquid dicat, præter violationem secreti, forsitan totum negotium destruet, & pessimos effectus producet. Quid ergo faciat in tot angustiis constitutus? an suam intentem candidè aperiat? sed secretum frangit, omnia destruit, & pro eo quod minimum defectum emendet, forsitan maiorem committet. An nihil dicat, & faciat, quod æquum judicat? subditas hoc judicabit dissimulationem, prætextum;

di-

dicet, quod nullam erga eum habeat confidentiam, quod agat dolosè, fraudulenter; quod non sit sincerus, candidus, sed versipellis. Quid ergo faciat miser superior? quod si loquatur, offendit Deum, violat secretum, prostituit suam conscientiam. Quod si taceat, subditus sum-mopere affligitur, ita ut nisi adveniat aliquis S. Gabriel, quædam sancta inspiratio, & diem producat in illo misero tenebris involuto, & omnia illa dubia diluat, superior quamvis esset Seraphim, cuivis satisfacere nequeat.

XVIII. Nunc capio, cur S. Paulus tam dilucide dixerit: Si conarer hominibus placere, sanè non essem bonus servus mei Domini Christi JESU. Nam dantur subditi naturæ tam malæ, vel ob aliquam passionem, quæ prædominatur, adeo inordinati, ut contentari nequeant, nisi Christus, & probiores, qui in Communitate degunt, offendantur. Hæc itaque est consolatio virorum sanctorum, & etiam fuit S. Bernardi, qui videns suas actiones in sinistram partem trahi, crebro dicebat: *Bernarde, audiant man-*

F sueti,

sueti, & latentur, & sufficit nobis: actiones meæ cribrentur, judicentur à personis benignis, à capitibus mansuetis, suavibus, impassionatis; nam si boni mea acta approbent, & rata habeant, reliquos nil aestimo, nec aliquid ulterius in hoc mundo desidero.

XIX. Ast enim verò, aliud extreimum summopere cavendum est, nempe ut dum omnibus satisfieri nequit, Superior nulli gratificari conetur; quamvis enim subdito non semper injuria inferatur, attamen saxe offenditur, & Superior ex parte sua injuriam committit, vel quia non est bene informatus, vel quia nimis excandescit, vel quia nimis facilem fidem adhibuit delatori, qui quamvis rem æquam se facere putet; attamen defectum nimis exaggeravit, & muscam vendidit pro elephante; vel quia tandem ob aliquam impatientiam, naturam aliquam tetricam torvè, morosè, durè subditos alloquitur, aut feruum, immanem erga eos se exhibet. Et profectò hæc materia est maximi momenti; cum enim Sancti sint homines sicut alij, quamvis quæ Sancti actiones valde perfe-

Etas

etas producant; attamen quā hominibus  
iis quandoque aliquid elabitur, quod hu-  
manum sapit. Porrò sicut subditi inde-  
center ponderant hanc impotentiam eo-  
rum humanæ conditionis, ut omnes eo-  
rum defectus propalent; ita valde decen-  
ter, & prudenter superior absque ullo fu-  
co agnoscit se esse hominem impotem, de-  
fectuosum, & humiliter, ac verè fatetur, se  
esse iimperfectionibus obnoxium, seque  
inculpabiliter posse errare, & in multis de-  
ficere. Hoc moderamine Deo gratifica-  
bitur per suam humilitatem, bonis per su-  
am charitatem, iimperfectioribus per suam  
impatientiam, & longanimitatem. Porrò  
quamvis non omnes perfectè contentet;  
attamen hoc solatio perfunditur, quod e-  
jus regimen, modus agendi sit futurus gra-  
tus sapientibus, & sensatis, qui Deum  
benedicent, quodque nihil sine circum-  
specto sensu suorum ordinariorum Con-  
sultorum, & prudentiorum ædis gesse-  
rit.

XX. Et præterquam quod moraliter sit  
impossibile cunctis placere, & omni-  
bus satisfacere: attamen ignoro, an,

F. 2

dato

dato quod hoc esset impossibile , quis tam ardenter desiderare debeat , ut omnibus gratificetur , & sese eviscerare , ut hoc fiat . Imitari in regimine Deum , facere ea , quæ sensati facienda judicat , ad hoc ut boni Religiosi contententur , est res optima , & æquum est , ut omni conatu quis hoc obtinere conetur ; cor sedulò , & exactè purgetur , intentio rectificetur , ne in hoc aliud queratur , quam Deus , facere id , quod exigit obligatio muneric . Verum angi , cruciari , affligi , si aliquis casualiter offendatur , animum despondere , deserere suavitatem , benignitatem , meo sensu sapit aliquam impuram intentionem , inordinatum affectum , aliqualem amorem proprium . Facere omnia , quæ humanitùs sunt possibilia , ut quis omnibus serviat , satisfaciat ; idcirco supportare omnes sinistros incursus , millenas calamitates , contradictiones , mortificationes , nec tamen desistere à bono cœpto , est sane virtus eminens , & cor verè Apostolicum . Ut autem clarius clucescat , num tam ferventer exoptare debeamus , ut toti mundo satisfaciamus , & quantum utilitas elici-

elicitur ex contradictionibus, oportet laborem subire legendi Caput sequens, in quo videbimus effectum incredibilem providentiae Dei, & stratagemata ineffabilis sapientiae, consilij, & dispositionis ejusdem.

XXI En verum & infallibile signum tuæ fidelitatis erga Deum, impuritatis tui cordis, & subjectionis, quâ subes tuo amore proprio? Dum aliquis desperat, & absolute non vult amplius regere, sed regimen in quemlibet alium transferre; dum aliquis queritur, se servire ingratiss, laborare pro gente, quæ nunquam contentantur, quæ nullam gratiam, nullam recognitionem rependit iis, qui sudant, ut iis serviant. Dum aliquis autumat maximum esse cruciatum in mundo, quod nemo de iis cogitet, rem esse intolerandam non nisi malum pro bono recipere, regimen esse crucem insupportabilem, ipsosmet Sanctos illud abhorruisse, nos tutò posse eos imitari, & constanter reluctari, ne ad regimen applicemur. Hic discursus totus refertus est amore proprio, & magnam impuritatem cordis luculenter testatur;

F 3

ita

ita ut possimus ita constitutum sic affari:  
Vir dilecte, tu gubernare vis, ut homines  
se tibi devinctos agnoscant, ut habeas cre-  
aturas, ut celebreris velut Phœnix homi-  
num, & eminentis homo, qui modum to-  
tum mundum contentandi invenit. An  
hoc præmium à tuis laboribus expectes?  
An tibi, & non potius Deo gubernes?  
An autumes eum magnum oblectamen-  
tum sensisse in bajulatione crucis, & hæ-  
sione in eadem, ita ut nec ad totum mun-  
dum salvandum ex ea descendere voluer-  
it, cum sic Deo placitum fuerit? Econ-  
tra nil est eminentius, quam quod homo  
portet crucem regiminis purè propter  
Deum, præter Deum nil querat, nil spe-  
ctet, nil prætendat, ei solum obtemperet,  
& omnem suum gustum in arâ aureâ obe-  
dientiæ immolet. Au S. Paulus abdicavit  
Apostolatum, cò quod totus mundus  
contra eum insurrexit? An S Petrus ab-  
jecit claves, eò quod Nero eum in crucem  
agere voluerit? sanè virtus pura in mundo  
valde rara est, & per pauci veri, & fideles  
Servi Dei inveniuntur.

XXII,

XXII. Deum oro , meæ simplicitati  
ignoscat. Et an aliquid adducere pos-  
sim , quo efficacius probem , & decidam  
hanc quæstionem , quàm si dicam , quod  
magnus Deus , nisi patret miraculum , ni-  
hil quasi faciat , quod suos contradictores  
non habeat? Quod si Deus non omnibus  
satisfaciat , quis omnes contentet? Deus  
decem dedit mandata , & hæc à paucis ob-  
servantur ; reliqui ea pedibus conculcant ,  
& pro uno adoratore Dei numerabis de-  
cem , qui eum abnegant , & suis blasphe-  
miis proscindunt. Creavit Angelos , &  
tertia pars rebellavit , nec potuit ferre ,  
quod Verbum incarnaretur , & potius na-  
turæ humanæ , quàm angelicæ uniretur.  
Vult exterminare Hebræos , & Moyses  
se opponit , & absolutè urget , vel se destru-  
endum , vel populo parcendum. Serenitate  
oblectat , & flagitatur pluvia. Pluit , & sere-  
na postulatur aura. Faciat Deus quidquid  
velit , crit qui cavillabitur , & aliud desidera-  
bit. Pater donat suum filium , & an putas ,  
nil hic esse , quod possit taxari? Oggeri pot-  
est , cur eum non misit citius ? alias re-  
plicabit , cur eum non misit tardius ?

F 4

Cur

Cur eum voluit nasci inter Judæos, popu-  
lum indignissimum totius mundi? Cur  
editus fuit in lucem in stabulo? An faber  
lignarius, & nemo aliis debuit esse spon-  
sus ejus matris, pater putativus, & nutri-  
tius ejus filij? Quod si debuit mori, an  
non morte minùs ignominiosâ, dolorosâ  
affici potuit? Et qualem gentem evexit  
ad Apostolatum? fæccm hominum, lu-  
tum platearum. Et eheu! an fuerint ora  
tam fœtida, quæ hæc omnia, & multò pe-  
jora tot horrendis blasphemis evomue-  
runt, & maneant impunita? Deus hæc  
omnia videt, & suffert, nec id circò lumen  
Solis genti tam maledictæ unquam subtra-  
hit. Vade ergo, & spera quod possis to-  
tum mundum contentare, cum magnus  
Deus cœli, qui solus hoc facere potest,  
id non faciat, sed ordinem suæ divi-  
næ providentiæ currere per-  
mittat.

CAPUT